

【经文信息】大正藏第 19 册 No. 0967

佛顶尊胜陀罗尼经 1 卷

目录

御制佛顶尊胜总持经呪序

佛顶尊胜陀罗尼经序

No. 967

御制佛顶尊胜总持经呪序

朕惟如来演大乘教。开方便门。千经万法。无非为济度群生。使不沦业报。佛顶尊胜总持经呪者。一切如来智印。广大慈悲。甚深希有。普利昏迷。实巨海之津梁。幽暗之日月。饥渴之饮食也。世间善男子善女人一切众生。能发菩提心持诵佩服者。其福德种种无尽。永脱诸恶苦趣。从无始以来百千亿劫。所积罪业悉皆消除。若昼夜勤修不懈。当得诸佛灌顶。神天拥护。福寿无量。如是胜果。目覩其效。诚实不虚。朕君临天下。闵斯民之执迷。所作所为。堕于恶趣。而不知若斯谬戾。诚为可矜。遂以是经呪。用俾河沙刹土。一切有情。均沾利益。寿延福增。同臻佛道。又况佛有誓盟。广济众生。必先度忠孝。凡忠臣孝子身生中国。又逢治世。受种种快乐。皆由其事君事亲能尽其道。又能敬礼三宝。修积善因。举足之顷。即登觉路。若夫为恶之徒。昧于改悟。所作所为。日甚一日。造业深重。甘心堕落。身如沐漆。求洁实难。陨坠幽扃。何由出世。苟能回心向善。即此一路。可超出劫尘也。

永乐九年六月 日

佛顶尊胜陀罗尼经序

佛顶尊胜陀罗尼经者。婆罗门僧佛陀波利。仪凤元年从西国来至此汉土到五台山次。遂五体投地向山顶礼曰。如来灭后众圣潜灵。唯有大士文殊师利。于此山中汲引苍生教诸菩萨。波利所恨生逢八难不覩圣容。远涉流沙故来敬

谒。伏乞大慈大悲普覆令见尊仪。言已悲泣雨泪向山顶礼。礼已举首忽见一老人从山中出来。遂作婆罗门语谓僧曰。法师情存慕道追访圣踪。不惮劬劳远寻遗迹。然汉地众生多造罪业。出家之辈亦多犯戒律。唯有佛顶尊胜陀罗尼经。能灭众生一切恶业。未知法师颇将此经来不。僧报言曰贫道直来礼谒不将经来。老人言既不将经来空来何益。纵见文殊亦何得识。师可却向西国取此经将来流传汉土。即是遍奉众圣广利群生。拯济幽冥报诸佛恩也。师取经来至此。弟子当示师文殊师利菩萨所在。僧闻此语不胜喜跃。遂裁抑悲泪至心敬礼。举头之顷忽不见老人。其僧惊愕倍更虔心。系念倾诚回还西国。取佛顶尊胜陀罗尼经。至永淳二年回至西京。具以上事闻奏大帝。大帝遂将其本入内。请日照三藏法师。及勅司宾寺典客令杜行顓等。共译此经。勅施僧绢三十匹。其经本禁在内不出。其僧悲泣奏曰。贫道捐躯委命远取经来。情望普济群生救拔苦难。不以财宝为念。不以名利关怀。请还经本流行。庶望含灵同益。帝遂留翻得之经。还僧梵本。其僧得梵本将向西明寺。访得善解梵语汉僧顺贞。奏共翻译。帝随其请。僧遂对诸大德共顺贞翻译讫。僧将梵本遂向五台山。入山于今不出。今前后所翻两本并流行于代。其中小小语有不同者幸勿怪焉。至垂拱三年。定觉寺主僧志静。因停在神都魏国东寺。亲见日照三藏。法师问其逗留一如上说。志静遂就三藏法师咨受神呪。法师于是口宣梵音。经二七日句句委授。具足梵音一无差失。仍更取旧翻梵本勘校。所有脱错悉皆改定。其呪初注云最后别翻者是也。其呪句稍异于杜令所翻者。其新呪改定不错并注其音。讫后有学者幸详此焉。至永昌元年八月。于大敬爱寺见西明寺上座澄法师。问其逗留亦如前说。其翻经僧顺贞见在住西明寺。此经救拔幽显最不可思议。恐有学者不知故。具录委曲以传未悟。

佛顶尊胜陀罗尼经

罽宾国沙门佛陀波利奉 诏译

如是我闻。一时薄伽梵在室罗筏。住誓多林给孤独园。与大苾刍众千二百五十人俱。又与诸大菩萨僧万二千人俱。尔时三十三天于善法堂会。有一天子名曰善住。与诸大天游于园观。又与大天受胜尊贵。与诸天女前后围绕。欢喜游戏种种音乐。共相娱乐受诸快乐。

尔时善住天子即于夜分闻有声言。善住天子却后七日命将欲尽。命终之后生赡部洲。受七返畜生身。即受地狱苦。从地狱出希得人身生于贫贱。处于母胎即无两目。

尔时善住天子闻此声已。即大惊怖身毛皆竖愁忧不乐。速疾往诣天帝释所。悲啼号哭惶怖无计。顶礼帝释二足尊已。白帝释言听我所说。我与诸天女共相围绕受诸快乐。闻有声言善住天子却后七日命将欲尽。命终之后生赡部洲。七返受畜生身。受七身已即堕诸地狱。从地狱出希得人身。生贫贱家而无两目。天帝云何令我得免斯苦。

尔时帝释闻善住天子语已。甚大惊愕即自思惟。此善住天子受何七返恶道之身。尔时帝释须臾静住入定谛观。即见善住当受七返恶道之身。所谓猪狗野干猕猴蟒蛇乌鹫等身。食诸秽恶不净之物。尔时帝释观见善住天子当堕七返恶道之身。极助苦恼痛割于心。帝思无计何所归依。唯有如来应正等觉。令其善住得免斯苦。

尔时帝释即于此日初夜分时。以种种花鬘涂香末香。以妙天衣庄严执持往诣誓多林园于世尊所到已顶礼佛足右绕七匝。即于佛前广大供养。佛前胡跪而白佛言。世尊善住天子云何当受七返畜生恶道之身。具如上说。

尔时如来顶上放种种光。遍满十方一切世界已。其光还来绕佛三匝。从佛口入。佛便微笑告帝释言。天帝有陀罗尼名为如来佛顶尊胜。能净一切恶道。能净除一切生死苦恼。又能净除诸地狱阎罗王界畜生之苦。又破一切地狱能回向善道。

天帝此佛顶尊胜陀罗尼。若有人闻一经于耳。先世所造一切地狱恶业。悉皆消灭当得清净之身。随所生处忆持不忘。从一佛刹至一佛刹。从一天界至一天界。遍历三十三天。所生之处忆持不忘。

天帝若人命欲将终。须臾忆念此陀罗尼。还得增寿得身口意净。身无苦痛。随其福利随处安隐。一切如来之所观视。一切天神恒常侍卫。为人所敬恶障消灭。一切菩萨同心覆护。

天帝若人能须臾读诵此陀罗尼者。此人所有一切地狱畜生阎罗王界饿鬼之苦。破坏消灭无有遗余。诸佛刹土及诸天宫。一切菩萨所住之门。无有障碍随意趣入。

尔时帝释白佛言。世尊唯愿如来为众生。说增益寿命之法。

尔时世尊知帝释意心之所念。乐闻佛说是陀罗尼法。即说呪曰。

◎曩谟(一)婆誡嚩帝(二)怛唎(二合)路枳也(三二合)钵啰底(四)尾始瑟咤(二合)野(五)没驮野(六)婆誡缚帝(七)怛儻也(二合)他(八)唵(九)尾戌驮野(十)娑么娑么三满哆(十一)嚩婆娑(十二)娑颇(二合)啰拏(十三)曩帝誡贺曩(十四)娑嚩(二合)婆嚩尾林弟(十五)阿鼻洗左覩[牟*含](十六)素曩哆(十七)嚩啰嚩左曩(十八)阿蜜[口*栗](二合)哆(十九)鼻曬罽(二十)摩贺曼怛啰(二合)播乃(二十一)阿贺啰阿贺啰(二十二)阿庾散驮啰柅(二十三)戌驮野戌驮野(二十四)誡誡曩尾林弟(二十五)邬瑟膩洒(二十六)尾惹野尾林弟(二十七)娑贺娑啰(二十八二合)啰湿铭(二十九二合)散[口*祖]儻帝(三十)萨嚩怛他曩哆(三十一)嚩路迦[宁*页](三十二)杀播(引)啰弭哆(三十三)跛哩布啰柅(三十四)萨嚩怛他(引)曩哆(三十五)纒哩(二合)娜野(三十六)地瑟姪(二合)曩(三十七)地瑟耻(二合)跢(三十八)摩贺母捺哩(三十九二合)嚩日啰(二合)迦野(四十)僧贺跢曩尾林弟(四十一)萨嚩嚩啰拏(四十二)跛野讷曩帝(四十三)跛哩尾林弟(四十四)钵啰(二合)底(四十五)[宁*页]袜跢野(四十六)阿欲林弟(四十七)三摩野(四十八)地瑟耻(二合)帝(四十九)么柅么柅(五十)摩贺么柅(五十一)怛闍哆(五十二)部跢句致(五十三)跛哩林弟(五十四)尾窣普(二合)咤(五十五)没地林弟(五十六)惹野惹野(五十七)尾惹野尾惹野(五十八)娑么啰(五十九)萨嚩没驮(六十)地瑟耻(二合)哆林弟(六十一)嚩日哩(二合)嚩日啰(二合)曩陞(六十二)嚩日嚩(六十三二合)婆嚩覩么么(六十四称名)舍哩嚩(六十五)萨嚩萨怛嚩(六十六二合)难(上)左迦野(六十七)尾林弟(六十八)萨嚩誡帝(六十九)跛哩林弟(七十)萨嚩怛他曩哆(七十一)三么湿嚩(二合)娑演覩(七十二)萨嚩怛他曩哆(七十三)三么湿嚩(二合)娑(七十四)地瑟耻(二合)帝(七十五)没地野没地野(七十六)尾没地野(七十七)冒驮野冒驮野(七十八)尾冒驮野尾冒驮野(七十九)三满哆(八十)跛哩林弟(八十一)萨嚩怛他曩哆(八十二)纒哩(二合)娜野(八十三)地瑟姪(二合)曩(八十四)地瑟耻(二合)哆(八十五)摩贺母捺[口*(隶-木+士)](二合)娑嚩(二合)贺

佛告帝释言。此呪名净除一切恶道佛顶尊胜陀罗尼。能除一切罪业等障。能破一切秽恶道苦。天帝此大陀罗尼。八十八殑伽沙俱胝百千诸佛同共宣说。随喜受持。大日如来智印印之。为破一切众生秽恶道苦故。为一切地狱畜生阎罗王界众生得解脱故。临急苦难堕生死海中众生得解脱故。短命薄福无救护众生乐造杂染恶业众生得饶益故。又此陀罗尼于瞻部洲住持力故。能令地狱恶道众生。种种流转生死。薄福众生。不信善恶业失正道众生等。得解脱义故。

佛告天帝。我说此陀罗尼付嘱于汝。汝当授与善住天子。复当受持读诵思惟爱乐忆念供养。于瞻部洲与一切众生。广为宣说此陀罗尼。印亦为一切诸天子故说此陀罗尼印。付嘱于汝。天帝汝当善持守护勿令忘失。天帝若人须臾得闻此陀罗尼。千劫已来积造恶业重障。应受种种流转生死。地狱饿鬼畜生

阎罗王界阿修罗身。夜叉罗刹鬼神布单那羯咤布单那阿波娑摩啰。蚊虻龟狗蟒蛇一切诸鸟。及诸猛兽一切蠢动含灵。乃至蚁子之身更不重受。即得转生诸佛如来一生补处菩萨同会处生。或得大姓婆罗门家生。或得大刹利种家生。或得豪贵最胜家生。天帝此人得如上贵处生者。皆由闻此陀罗尼故。转所生处皆得清净。天帝乃至得到菩提道场最胜之处。皆由赞美此陀罗尼功德。如天帝此陀罗尼。名为吉祥能净一切恶道。此佛顶尊胜陀罗尼。犹如日藏摩尼之宝。净无瑕秽净等虚空。光焰照彻无不周遍。若诸众生。持此陀罗尼亦复如是。亦如阎浮檀金明净柔软。令人喜见不为秽恶之所染着。天帝若有众生。持此陀罗尼亦复如是。乘斯善净得生善道。天帝此陀罗尼所在之处。若能书写流通受持读诵听闻供养。能如是者一切恶道皆得清净。一切地狱苦恼悉皆消灭。

佛告天帝。若人能书写此陀罗尼。安高幢上。或安高山或安楼上。乃至安置窣堵波中。天帝若有苾刍苾刍尼优婆塞优婆夷族姓男族姓女。于幢等上或见或与相近。其影映身。或风吹陀罗尼。上幢等上尘落在身上。天帝彼诸众生所有罪业。应堕恶道地狱畜生阎罗王界饿鬼界阿修罗身恶道之苦。皆悉不受亦不为罪垢染污。天帝此等众生。为一切诸佛之所授记。皆得不退转。于阿耨多罗三藐三菩提。

大帝何况更以多诸供具华鬘涂香末香幢幡盖等衣服瓔珞。作诸庄严。于四衢道造窣堵波。安置陀罗尼。合掌恭敬旋绕行道归依礼拜。天帝彼人能如是供养者。名摩訶萨埵。真是佛子持法栋梁。又是如来全身舍利窣堵波塔。

尔时阎摩罗法王。于时夜分来诣佛所。到已以种种天衣妙华涂香庄严。供养佛已。绕佛七匝顶礼佛足。而作是言。我闻如来演说赞持大力陀罗尼故来修学。若有受持读诵是陀罗尼者。我常随逐守护。不令持者堕于地狱。以彼随顺如来言教而护念之。

尔时护世四天大王。绕佛三匝白佛言。世尊唯愿如来为我。广说持陀罗尼法。尔时佛告四天王。汝今谛听我当为汝。宣说受持此陀罗尼法。亦为短命诸众生说。当先洗浴着新净衣。白月圆满十五日时。持斋诵此陀罗尼。满其千遍。令短命众生还得增寿。永离病苦一切业障悉皆消灭。一切地狱诸苦亦得解脱。诸飞鸟畜生含灵之类。闻此陀罗尼一经于耳。尽此一身更不复受。

佛言若人遇大恶病。闻此陀罗尼。即得永离一切诸病。亦得消灭应堕恶道。亦得除断。即得往生寂静世界。从此身已后更不受胞胎之身。所生之处莲华化生。一切生处忆持不忘。常识宿命。

佛言若人先造一切极重恶业。遂即命终乘斯恶业应堕地狱。或堕畜生阎罗王界。或堕饿鬼乃至堕大阿鼻地狱。或生水中或生禽兽异类之身。取其亡者随身分骨。以土一把诵此陀罗尼二十一遍。散亡者骨上即得生天。

佛言若人能日日诵此陀罗尼二十一遍。应消一切世间广大供养。舍身往生极乐世界。若常诵念得大涅槃。复增寿命受胜快乐。舍此身已即得往生种种微妙诸佛刹土。常与诸佛俱会一处。一切如来恒为演说微妙之义。一切世尊即受其记。身光照曜一切刹土。佛言若诵此陀罗尼法。于其佛前先取净土。作坛随其大小。方四角作。以种种草华散于坛上。烧众名香。右膝着地胡跪。心常念佛。作慕陀罗尼印。屈其头指以大母指。押合掌。当其心上。诵此陀罗尼一百八遍讫。于其坛中如云王雨华。能遍供养八十八俱胝殑伽萨那庾多百千诸佛。彼佛世尊咸共赞言。善哉希有真是佛子。即得无障碍智三昧。得大菩提心庄严三昧。持此陀罗尼法应如是。佛告天帝我以此方便。一切众生应堕地狱道令得解脱。一切恶道亦得清净。复令持者增益寿命。天帝汝去将我此陀罗尼。授与善住天子。满其七日。汝与善住俱来见我。

尔时天帝于世尊所。受此陀罗尼法奉持还于本天。授与善住天子。尔时善住天子。受此陀罗尼已。满六日六夜。依法受持一切愿满。应受一切恶道等苦。即得解脱住菩提道。增寿无量甚大欢喜。高声叹言希有如来。希有妙法希有明验。甚为难得令我解脱。尔时帝释至第七日。与善住天子将诸天众。严持华鬘涂香末香宝幢幡盖天衣瓔珞微妙庄严。往诣佛所设大供养。以妙天衣及诸瓔珞。供养世尊绕百千匝。于佛前立踊跃欢喜坐而听法。

尔时世尊舒金色臂。摩善住天子顶。而为说法授菩提记。佛言此经名净除一切恶道佛顶尊胜陀罗尼。汝当受持。尔时大众闻法欢喜信受奉行。

佛顶尊胜陀罗尼经

◎那莫薄伽跋帝(一) 啼隶路迦(稽[口*耶]反)钵啰底([口*耶]翊可反)毘失瑟咤[口*耶](长余何反声下同)勃陀耶(一云归命圣尊三世胜觉二) 薄伽跋底(三) 怛侄他(四) 唵(长五) 毘输陀耶(驮音大)娑摩三漫多幡婆娑(漫音文六) 娑破啰拏揭底伽诃那娑婆幡输林地(输律反下音同)阿鼻洗(去声)者苏揭多伐折那(八) 阿[口*蜜][口*

栗]多毘晒(平音)𦉑(九) 阿(上声)诃罗(去声)阿诃罗(下同十) 阿输散陀(长声)罗尼(十一) 输驮耶输驮耶(驮音并太十二) 伽伽那毘秣提(那去十三) 乌瑟尼沙毘逝耶秣提(输音十四舜入) 娑诃娑啰喝啰湿弭珊珠地帝(帝音低十五) 萨婆怛他揭多地瑟咤(长声)那頰地瑟耻帝(亦丁儺反)慕[口*侄]隶(慕音母干隶音犁十六) 跋折啰迦(长声)耶僧诃多那秣提(十七) 萨婆伐罗拏毘秣提(十八) 钵罗底(底丁儺反)儺伐怛耶阿瑜秣提(十九) 萨末耶阿地瑟耻帝(底丁儺反帝音低二十) 末祢末祢(二十一) 怛闍多部多俱胝钵唎秣提(二十二) 毘萨普咤勃地秣提(毘音弭萨音悉二十三) 社耶社耶(余何反下同二十四) 毘社耶毘社耶(二十五) 萨末啰萨末啰勃陀頰地瑟耻多秣提(底丁儺反二十六) 跋折梨跋折啰揭鞞(二十七) 跋折滥婆伐都(二十八) 么么(受持者于此自称名)萨婆萨埵[口*写]迦(长声)耶毘秣提(二十九) 萨婆揭底钵唎秣提(底丁儺反三十句) 萨婆怛他揭多三摩湿婆娑遏地瑟耻帝(底丁儺反三十一帝音低也) 勃陀(地耶反)勃陀(同上)蒲驮耶蒲驮耶(驮音太)三漫多钵唎秣提(三十二) 萨婆怛他揭多地瑟咤(长声)那頰地瑟耻帝(底丁儺反三十三) 娑婆诃

◎那谟薄伽跋帝(一) 啼隶路迦(稽[口*耶]切)钵啰底毘失瑟咤[口*耶](余何切下同长声)勃陀耶(一云归命圣尊三世胜觉二) 薄伽跋底(三) 怛侄他(四) 唵(长声五) 毘输驮(音太)耶娑摩三漫(音文)多皤娑娑(六) 娑破啰拏揭底伽诃那(七) 娑婆皤输秣(输律切下同)地阿鼻洗(去声)者苏揭多伐折那(八) 阿嚩[口*栗]多毘晒鸡(取𦉑切平声九) 阿(上声)诃罗(去声)阿诃啰(下同十) 阿瑜散陀(长声)罗尼(十一) 输(舜入声)驮(音太下同)耶输驮耶(十二) 伽伽那(去声)毘秣提(十三) 乌瑟尼沙毘逝耶秣提(十四) 娑诃娑啰喝啰湿弭珊珠地帝(十五) 萨婆怛他揭多地瑟咤(长声)那頰地瑟耻帝(丁儺切)慕(音母)[口*侄]隶(音犁十六) 跋折啰迦(长声)耶僧诃多那秣提(十七) 萨婆伐罗拏毘秣提(十八) 钵罗底(丁儺切)儺伐怛耶阿瑜秣提(十九) 萨末那阿地瑟耻帝(音低二十) 末祢末祢(二十一) 怛闍多部多俱胝钵唎秣提(二十二) 毘(音弭)萨(音悉)普咤勃地秣提(二十三) 社耶社耶(余何切下同二十四) 毘社耶毘社耶(二十五) 萨末啰萨末啰勃陀頰地瑟耻多秣提(二十六) 跋折梨跋折啰揭鞞(二十七) 跋折滥婆伐都(二十八) 么么(受持者于此自称名)萨婆萨埵[口*写]迦(长声)耶毘秣提(二十九) 萨婆揭底(丁儺切)钵唎秣提(三十) 萨婆怛他揭多三摩湿婆娑遏地瑟耻帝(低字呼三十一) 勃陀(地耶切)勃陀(同上)蒲驮(音太)耶蒲驮(音太)耶三漫多钵唎秣提(三十二) 萨婆怛他揭多地瑟咤(长声)那頰地瑟耻帝(三十三) 娑婆诃

【经文信息】大正藏第 19 册 No. 0967 佛顶尊胜陀罗尼经

【版本记录】CBETA 电子佛典 Rev. 1.16 (Big5), 完成日期: 2009/04/23

【编辑说明】本数据库由中华电子佛典协会 (CBETA) 依大正藏所编辑

【原始数据】萧镇国大德提供, 北美某大德提供

【其他事项】本数据库可自由免费流通, 详细内容请参阅【[中华电子佛典协会数据库版权宣告](#)】
